

Rheoliadau drafft a osodwyd gerbron Senedd Cymru o dan adran 142(3)(b)(ii) o Ddeddf Tai (Cymru) 2014, i'w cymeradwyo drwy benderfyniad gan Senedd Cymru.

OFFERYNNAU STATUDOL
CYMRU DRAFFT

2021 Rhif (Cy.)

TAI, CYMRU

**Rheoliadau Dyrannu Tai a
Digartrefedd (Cymhwysra)
(Cymru) (Diwygio) (Rhif 2) 2021**

NODYN ESBONIADOL

(Nid yw'r nodyn hwn yn rhan o'r Rheoliadau)

O dan adran 160A(3) o Ddeddf Tai 1996 (p. 52) (“Deddf 1996”), mae person sy'n ddarostyngedig i reolaeth fewnfudo yn anghymwys i gael dyraniad o lety tai gan awdurdod lleol oni bai ei fod yn dod o fewn dosbarth o bersonau a ragnodir mewn rheoliadau a wneir gan Weinidogion Cymru. O dan adran 160A(5) caiff Gweinidogion Cymru ragnodi dosbarthau o bersonau sydd, er nad ydynt yn ddarostyngedig i reolaeth fewnfudo, yn anghymwys i gael dyraniad o lety tai.

O dan baragraff 1(2) o Atodlen 2 i Ddeddf Tai (Cymru) 2014 (dccc 7) (“Deddf 2014”), mae person sy'n ddarostyngedig i reolaeth fewnfudo yn anghymwys i gael cymorth tai o dan Bennod 2 o Ran 2 o'r Ddeddf honno oni bai ei fod yn dod o fewn dosbarth o bersonau a ragnodir mewn rheoliadau gan Weinidogion Cymru (neu'r Ysgrifennydd Gwladol). O dan baragraff 1(4) caiff Gweinidogion Cymru (neu'r Ysgrifennydd Gwladol) ragnodi dosbarthau o bersonau sydd, er nad ydynt yn ddarostyngedig i reolaeth fewnfudo, yn anghymwys i gael cymorth tai.

Mae'r Rheoliadau hyn yn diwygio Rheoliadau Dyrannu Tai a Digartrefedd (Cymhwysra) (Cymru) 2014 (O.S. 2014/2603 (Cy. 257)) (“Rheoliadau 2014”) sy'n gwneud darpariaeth ar gyfer pa bersonau sy'n ddarostyngedig i reolaeth fewnfudo sy'n gymwys i gael dyraniad o lety tai ac i gael cymorth tai. Mae Rheoliadau 2014 hefyd yn gwneud darpariaeth o ran personau nad ydynt yn ddarostyngedig i reolaeth

fewnfudo ond sy'n anghymwys i gael dyraniad o lety tai a chymorth digartrefedd.

Mae rheoliad 3 yn diwygio rheoliad 3 o Reoliadau 2014 sy'n ymwneud â chymhwystra personau sy'n ddarostyngedig i reolaeth fewnfudo i gael dyraniad o lety tai o dan Ddeddf 1996. Mae'n rhagnodi dau ddsbarth ychwanegol o bersonau ("Dosbarth J" a "Dosbarth K") sy'n ddarostyngedig i reolaeth fewnfudo sy'n gymwys i gael dyraniad o lety tai o dan Ddeddf 1996.

Mae Dosbarth J yn gymwys i bersonau penodol sydd â chaniatâd cyfyngedig i ddod i mewn i'r Deyrnas Unedig neu i aros ynddi o dan Atodiad Gwladolyn Prydeinig (Tramor) Hong Kong o'r Rheolau Mewnfudo pan nad oes amod "heb ddibynnu ar gronfeydd cyhoeddus" yn gysylltiedig â'r math o ganiatâd sydd gan y person a phan fo'r person yn preswyllo fel arfer yn yr 'Ardal Deithio Gyffredin' (y Deyrnas Unedig, Ynysoedd y Sianel, Ynys Manaw neu Weriniaeth Iwerddon). Mae Dosbarth K yn gymwys i bersonau y rhoddwyd caniatâd iddynt o dan gynlluniau neu bolisiau penodol sy'n ymwneud ag Affganistan. Mae hefyd yn gymwys i bersonau penodol yn y Deyrnas Unedig a adawodd Affganistan oherwydd cwmp Llywodraeth Affganistan.

Mae rheoliad 4 yn diwygio rheoliad 4(2) o Reoliadau 2014 i ddarparu bod personau penodol nad ydynt yn ddarostyngedig i reolaeth fewnfudo ond y byddent yn anghymwys i gael dyraniad o lety tai oherwydd nad ydynt yn preswyllo fel arfer yn yr Ardal Deithio Gyffredin yn gymwys i gael dyraniad o lety tai. Y personau y mae'r diwygiad hwn yn gymwys iddynt yw'r rheini a adawodd Affganistan oherwydd cwmp Llywodraeth Affganistan.

Mae rheoliad 5 yn diwygio rheoliad 5(1) o Reoliadau 2014 sy'n ymwneud â chymhwystra personau sy'n ddarostyngedig i reolaeth fewnfudo i gael cymorth tai o dan Ddeddf 2014. Mae'n rhagnodi dau ddsbarth ychwanegol o bersonau ("Dosbarth K" a "Dosbarth L") sy'n gymwys i gael cymorth o'r fath. Mae'r dosbarthau hyn yn cyfateb i Ddsbarth J a Dosbarth K a fewnosodir gan reoliad 3.

Mae rheoliad 6 yn diwygio rheoliad 6(2) o Reoliadau 2014 fel bod personau penodol nad ydynt yn ddarostyngedig i reolaeth fewnfudo, ond y byddent wedi eu heithrio rhag cael cymorth tai oherwydd nad ydynt yn preswyllo fel arfer yn yr Ardal Deithio Gyffredin, yn gymwys. Y personau y mae'r diwygiad hwn yn gymwys iddynt yw'r un personau â'r rheini a fewnosodir gan reoliad 4.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd

asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth: Llywodraeth Cymru, Parc Cathays, Caerdydd CF10 3NQ ac ar wefan Llywodraeth Cymru ar www.llyw.cymru.

Rheoliadau drafft a osodwyd gerbron Senedd Cymru o dan adran 142(3)(b)(ii) o Ddeddf Tai (Cymru) 2014, i'w cymeradwyo drwy benderfyniad gan Senedd Cymru.

OFFERYNNAU STATUDOL
CYMRU DRAFFT

2021 Rhif (Cy.)

TAI, CYMRU

**Rheoliadau Dyrannu Tai a
Digartrefedd (Cymhwysra)
(Cymru) (Diwygio) (Rhif 2) 2021**

Gwnaed

Yn dod i rym

15 Hydref 2021

Mae Gweinidogion Cymru yn gwneud y Rheoliadau a ganlyn drwy arfer y pwerau a roddir iddynt gan adrannau 160A(3) a (5) a 172(4)(1) o Ddeddf Tai 1996(2) ac adran 142(2)(a) a (b) Ddeddf Tai (Cymru) 2014(3) a pharagraff 1(2) a (4) o Atodlen 2 iddi.

Yn unol ag adran 142(3)(b)(ii) o Ddeddf Tai (Cymru) 2014, gosodwyd drafft o'r Rheoliadau hyn gerbron Senedd Cymru ac fe'i cymeradwywyd ganddi drwy benderfyniad(4).

-
- (1) Trosglwyddwyd swyddogaethau'r Ysgrifennydd Gwladol o dan adrannau 160A(3) a (5) a 172(4) o Ddeddf Tai 1996 (p. 52), i'r graddau y maent yn arferadwy o ran Cymru, i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672), a'r cofnod mewn perthynas â'r Ddeddf honno yn Atodlen 1, fel y'i darllenir yn unol ag adran 17(1) o Ddeddf Digartrefedd 2002 (p. 7). Trosglwyddwyd y swyddogaethau hynny wedi hynny i Weinidogion Cymru yn rhinwedd paragraff 30 o Atodlen 11 i Ddeddf Llywodraeth Cymru 2006 (p. 32).
- (2) 1996 p. 52. Mewnosodwyd adran 160A gan adran 14(2) o Ddeddf Digartrefedd 2002; diwygiwyd is-adrannau (3) a (5) gan adran 146(2)(d) ac (e) yn y drefn honno o Ddeddf Lleoliaeth 2011 (p. 20).
- (3) 2014 dccc 7.
- (4) Gweler hefyd adran 40 o Ddeddf Deddfwriaeth (Cymru) 2019 (dccc 4) am ddarpariaeth ynghylch y weithdrefn sy'n gymwys i'r offeryn hwn.

Enwi a chychwyn

1. Enw'r Rheoliadau hyn yw Rheoliadau Dyrannu Tai a Digartrefedd (Cymhwysra) (Cymru) (Diwygio) (Rhif 2) 2021 a deuant i rym ar 15 Hydref 2021.

Diwygio Rheoliadau Dyrannu Tai a Digartrefedd (Cymhwysra) (Cymru) 2014

2. Mae Rheoliadau Dyrannu Tai a Digartrefedd (Cymhwysra) (Cymru) 2014(1) wedi eu diwygio fel a ganlyn.

Diwygiadau i reoliad 3

3. Yn rheoliad 3 (personau sy'n ddarostyngedig i reolaeth fewnfudo sy'n gymwys i gael dyraniad o lety tai)—

- (a) hepgorer yr “ac” ar ôl paragraff (h);
- (b) ar ddiwedd paragraff (i), yn lle “.” rhodder “;”;
- (c) ar ôl paragraff (i) mewnosoder—
 - “(j) Dosbarth J – person—
 - (i) sydd â chaniatâd cyfyngedig i ddod i mewn i'r Deyrnas Unedig neu i aros ynddi yn rhinwedd Atodiad Gwladolyn Prydeinig (Tramor) Hong Kong o'r Rheolau Mewnfudo(2);
 - (ii) nad yw ei ganiatâd i ddod i mewn neu i aros yn ddarostyngedig i amod sy'n ei gwneud yn ofynnol i'r person hwnnw ei gynnal a'i letya ei hun, ac unrhyw berson sy'n ddibynnol arno, heb ddibynnu ar gronfeydd cyhoeddus; a
 - (iii) sy'n preswyllo fel arfer yn y Deyrnas Unedig, Ynysoedd y Sianel, Ynys Manaw neu Weriniaeth Iwerddon; a
 - (k) Dosbarth K – person—
 - (i) y rhoddir caniatâd iddo i ddod i mewn i'r Deyrnas Unedig neu i

(1) O.S. 2014/2603 (Cy. 257), (fel y'i harbedwyd ac y'i haddaswyd gan erthygl 5 o O.S. 2015/1272 (Cy. 88) (C. 73)), a ddiwygiwyd gan O.S. 2017/698 (Cy. 164), 2019/1041 (Cy. 183), 2019/1149 (Cy. 199), rheoliad 76 o 2020/1309, a ddiwygiwyd gan reoliad 26 o 2020/1372 ac a ddiwygiwyd gan 2021/353 (Cy. 105).

(2) Gosodwyd gerbron Senedd y DU ar 23 Mai 1994 (HC 395), fel y'u diwygiwyd. Gosodwyd Atodiad Gwladolyn Prydeinig (Tramor) Hong Kong gerbron Senedd y DU ar 22 Hydref 2020 (HC 813) ac fe'i diwygiwyd wedi hynny gan y datganiad o newidiadau i'r Rheolau Mewnfudo: HC 1248 a osodwyd gerbron Senedd y DU ar 4 Mawrth 2021.

aros ynddi yn unol â'r Rheolau Mewnfudo⁽¹⁾, pan roddir caniatâd o'r fath yn rhinwedd—

(aa) Polisi Adleoli a Chymorth Affganistan; neu

(bb) y cynllun blaenorol ar gyfer staff a gyflogir neu a gyflogwyd yn lleol yn Affganistan (y cyfeirir ato weithiau fel y cynllun ex-gratia); neu

(ii) y rhoddwyd caniatâd iddo i ddod i mewn i'r Deyrnas Unedig neu i aros ynddi nad yw'n dod o fewn is-baragraff (i), a adawodd Affganistan mewn cysylltiad â chwmp Llywodraeth Affganistan a ddigwyddodd ar 15 Awst 2021, ond gan eithrio person (P)—

(aa) sy'n ddarostyngedig i amod sy'n ei gwneud yn ofynnol i P ei gynnal a'i letya ei hun, ac unrhyw berson sy'n ddibynnol ar P, heb ddibynnu ar gronfeydd cyhoeddus; neu

(bb) y rhoddwyd caniatâd iddo i ddod i mewn i'r Deyrnas Unedig neu i aros ynddi yn dilyn ymgymeriad a roddwyd gan noddwr P ac a fu'n preswyllo yn y Deyrnas Unedig, Ynysoedd y Sianel, Ynys Manaw neu Weriniaeth Iwerddon am lai na phum mlynedd gan ddechrau ar y dyddiad y daeth i mewn neu ar y dyddiad y rhoddodd noddwr P yr ymgymeriad mewn cysylltiad â P, pa bynnag ddyddiad yw'r diweddaraf, ac y mae ei noddwr neu, pan fo mwy nag un noddwr, o leiaf un o'i noddwyr, yn dal yn fyw.”

Diwygiadau i reoliad 4

4. Yn rheoliad 4(2) (personau eraill o dramor sy'n anghymwys i gael dyraniad o lety tai)—

(1) Gweler Rhan 7 o'r Rheolau Mewnfudo. Mae'r cynllun wedi ei gynnwys yn Rheolau 276BA1- 276BS2.

- (a) hepgorer yr “ac” ar ôl is-baragraff (g);
- (b) ar ddiwedd is-baragraff (h), yn lle “.” rhodder “; ac”;
- (c) ar ôl is-baragraff (h) mewnosoder—
 - “(i) person a adawodd Affganistan mewn cysylltiad â chwymp Llywodraeth Affganistan a ddigwyddodd ar 15 Awst 2021.”

Diwygiadau i reoliad 5

5. Yn rheoliad 5(1) (personau sy’n ddarostyngedig i reolaeth fewnfudo sy’n gymwys i gael cymorth tai)—

- (a) hepgorer yr “ac” ar ôl is-baragraff (i);
- (b) ar ddiwedd is-baragraff (j), yn lle “.” rhodder “;”;
- (c) ar ôl is-baragraff (j) mewnosoder—

“(k) Dosbarth K – person—

- (i) sydd â chaniatâd cyfyngedig i ddod i mewn i’r Deyrnas Unedig neu i aros ynddi yn rhinwedd Atodiad Gwladolyn Prydeinig (Tramor) Hong Kong o’r Rheolau Mewnfudo;
- (ii) nad yw ei ganiatâd i ddod i mewn neu i aros yn ddarostyngedig i amod sy’n ei gwneud yn ofynnol i’r person hwnnw ei gynnal a’i letya ei hun, ac unrhyw berson sy’n ddibynnol arno, heb ddibynnu ar gronfeydd cyhoeddus; a
- (iii) sy’n preswyllo fel arfer yn y Deyrnas Unedig, Ynysoedd y Sianel, Ynys Manaw neu Weriniaeth Iwerddon; ac

(l) Dosbarth L – person—

- (i) y rhoddir caniatâd iddo i ddod i mewn i’r Deyrnas Unedig neu i aros ynddi yn unol â’r Rheolau Mewnfudo, pan roddir caniatâd o’r fath yn rhinwedd—
 - (aa) Polisi Adleoli a Chymorth Affganistan; neu
 - (bb) y cynllun blaenorol ar gyfer staff a gyflogir neu a gyflogwyd yn lleol yn Affganistan (y cyfeirir ato weithiau fel y cynllun ex-gratia); neu
- (ii) y rhoddwyd caniatâd iddo i ddod i mewn i’r Deyrnas Unedig neu i aros ynddi nad yw’n dod o fewn

paragraff (i), a adawodd Affganistan mewn cysylltiad â chwmp Llywodraeth Affganistan a ddigwyddodd ar 15 Awst 2021, ond gan eithrio person (P)—

- (aa) sy'n ddarostyngedig i amod sy'n ei gwneud yn ofynnol i P ei gynnal a'i letya ei hun, ac unrhyw berson sy'n ddibynnol ar P, heb ddibynnu ar gronfeydd cyhoeddus; neu
- (bb) y rhoddwyd caniatâd iddo i ddod i mewn i'r Deyrnas Unedig neu i aros ynddi yn dilyn ymgymeriad a roddwyd gan noddwr P ac a fu'n preswyllo yn y Deyrnas Unedig, Ynysoedd y Sianel, Ynys Manaw neu Weriniaeth Iwerddon am lai na phum mlynedd gan ddechrau ar y dyddiad y daeth i mewn neu ar y dyddiad y rhoddodd noddwr P yr ymgymeriad mewn cysylltiad â P, pa bynnag ddyddiad yw'r diweddaraf, ac y mae ei noddwr neu, pan fo mwy nag un noddwr, o leiaf un o'i noddwyr, yn dal yn fyw."

Diwygiadau i reoliad 6

6. Yn rheoliad 6(2) (personau eraill o dramor sy'n anghymwys i gael cymorth tai) —

- (a) hepgorer yr "ac" ar ôl is-baragraff (g);
- (b) ar ddiwedd is-baragraff (h), yn lle "." rhodder " ; ac";
- (c) ar ôl is-baragraff (h) mewnosoder—
 - “(i) person a adawodd Affganistan mewn cysylltiad â chwmp Llywodraeth Affganistan a ddigwyddodd ar 15 Awst 2021.”

Enw
Y Gweinidog Newid Hinsawdd, un o Weinidogion
Cymru
Dyddiad